



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Brevissima Ad
Perfectionem Via: Hoc Est, De Perenni divinæ voluntatis intentione,
executione, apprehensione

Družbicki, Kaspar
Ingolstadii, 1732

VD18 90066340

Caput X. Triplex Dei Voluntas, earumque definitiones, ac inter sese
differentiae explicantur.

urn:nbn:de:hbz:466:1-45352

quod ista essent separanda ab invicem: obiectum scilicet, & voluntas objecti, quæ est in Deo.

C A P U T X.

*Triplex DEI Voluntas earumque definitio-
nes, ac inter se differentie explicantur.*

48.

Nullus jam videtur esse locus ambigendi de ius Exercitii præstantiâ, at illud aliquem torquere potest, cum voluntas Dei saltem sæpenumero lateat, qui fieri tandem possit, ut ubique homo & voluntatem Dei assequatur, & exequatur. Quem nodum ut expediam, rationemque facile ubique divinam voluntatem exequendi & cognoscendi tradam, necesse est a me prius. Quid sit voluntas Dei? tūm etiam: *Quomodo à Deo nobis manifestetur?* explicari. Non commemo rabo autem Scholis & Theologis usitatas voluntatis divinæ explicationes, & divisiones, tūm quia subtiliores sunt, tūm quia minus ad praxim accommodatæ, quam ratio nobis hīc proposita postulat. Non abs te tamen, nec à proposito abhorrenter fecero, si voluntatis divinæ divisionem Mysticæ Theologiæ Magistris usurpatam, & ex S. Paulo desumptam, hoc loco vel obiter persistinxero.

Illi igitur, triplicem Dei voluntatem statuunt; non triplicem quasi diversam (una enim & eadem in Deo, idemque cum Deo Dei voluntas est, ut pridem docui) sed tripliciter consideratam. 1. est Essentialis. 2. Interna. 3. Extetna. Apostolus italoquitur *Voluntas Dei bona, & Beneplacens, & Perfecta;* ita ut Bona voluntas sit Externa: Beneplacens Interna: Perfecta, Essentialis. illa juxta

Lyr.

Lyr. I. c. ad Rom. ad Incipientes, media ad Proficienes, ultima ad perfectos pertinet; dixerim ego, primam, hoc est, Externam & Bonam, esse Agentium; Medium esse Contemplantium; Ultimam Excessivorum.

Essentialis voluntas Dei & reliquæ duæ, quoad rem ipsam, idem omnino unumque sunt: differunt tamen inter se per aliquas externas considerationes nostras atque conceptiones. Nam voluntas Dei spectata & sumpta ut est in se, sine ullo ad Creaturas ordine, prout scilicet nullo modo ad creaturas producit se profertq; existentes, sed prout in solo Deo est, idemque cum Deo, & ipse Deus, hæc est illa, quæ hoc loco dicitur Essentialis, & perfecta. Circa hanc Voluntatem, ita nudam, ita solam, ita ab omni creatâ specie & imagine similitudineque separatam, versantur & occupantur, potissimum quidem Beati in cœlo, at etiam aliqui, sed rari in hac vitâ, excellentes nimurum Sancti, & plane perfecti, & Deo digni, digni qui medullam & substantiam Dei, non per speciem & in ænigmate hauriant, & sugant, sed quos Deus omnibus creatis denudatos, ad se quoque limpidissimum Dei fontem, & recti principem, sine medio ullo admittat, & seipso pascat, altissimisque suis rationibus regat & gubernet.

Eadem voluntas Dei, spectata & accepta non jam omnino ut est in seipsâ, atque in Deo, sed ut se profert ad creaturas existentes, non per signatum ulla, & effectus sensibiles, verum per solum quoddam lumen, quo illa se animæ hominis manifestat, ita copiose, disertè, & clare, quin etiam experimentaliter, ut homo perfectè, atque clare experiatur cognoscatque, ipsam esse hoc quod

49.

50.

quod est, seu, ipsam esse voluntatem Dei, beneplacitum Dei : dicitur voluntas Dei Interna, itaque Interior voluntas in hoc differt ab Essentiali, quod Essentialis se per se communicet homini & ostentat, fruendamque det ; Interna vero lumine superaddito additur, quo anima hominis, vel homo illustratus interius, planè intime que cognoscit, sentit, experitur etiam, atque adeo degustat quid Deus velit, quod hoc velit, in qua re Deus habeat, & qualem habeat gustum Voluptatemque, si fiat, si exerceatur ab homine. Quid sit autem illud superadditum lumen, & an differat a conformitate ipsâ conjunctioneque humanæ Voluntatis cum divina, & obscurum est explicare inexpertis, & ab hoc instituto alienum, & denique tum melius aliquid de hac Voluntate addetur, quando tertium genus Voluntatis explicabitur.

§ I.

Eadem ergo Dei Voluntas spectata & considerata, ut se foras prodit per externa signa, vel etiam per sensibilia, mediata, immediata ; puta per leges, consilia, rationis dictamina, sive ea scripto, sive voce, sive naturali instinctu edicantur, dicitur Voluntas Exterior, sive Externa. Hæc differt ab Internâ voluntate, quod et si utraque se foras proferat, & prodat Creaturæ v. g. Homini, Externa tamen profert se & ostendit lumine externo, nimirum lege, rationis dictatu &c. ideoque fiat regula operum humanorum tam internorum, quam externorum à liberâ operatione procedentium, cui se illa conformare necessariò debeant, si recta, bona, meritoria, placita Deo esse velint. Interna vero voluntas profert se lumine interno, & intimo, solius Dei proprio, ut inspirationibus, luminibus, elevationibus, & divinis quibusdam raptibus,

attra-

attractionibusque, quibus anima absorbetur in Deum, audit & intelligit loquentem Deum, & ita audit loquentem ut, simul intelligat, ipsum Deum & non ullum alium esse qui sibi loquatur, quemque audiat. Præterea intelligit, persens cit sensu quodam, & gustu spirituali rationali, experimentoque suo indubitato comprobat, quid Deus velit, quod hoc non aliudque velit, denique degustat illum gustum Dei, quem habet in eo, quod res hæc fiat, ita fiat, tali modo, in talibus circumstantiis fiat. Externa voluntas sèpè, imò passim sentitur, videtur, auditur, scribitur in legibus, in præceptis, regulis, consiliis, consuetudinibus: Interna semper intus est, prodire foras non potest, alioqui jam interna non est. Externa fundatur in creaturis, æternæ divinæ legis particulam in se habentibus; Interna in Creatore Deo cognoscitur, & ex illo hauritur, in illo legitur, ab illo discitur. Externa voluntas rudibus, & exercitatos sensus non habentibus se accommodat: Interna Spiritualibus servit: Essentialis consummatos delestat. Externa ad Internam, Interna ad Essentiali dedit; ubi externa perfecta est, ibi interna inchoatur; hæc ubi perficitur, Essentialis degustari incipit. Ubi enim homo ita insuescit omnibus divinis legibus perfectè, sincerè, nudè, solitariè obtemperare, ut in omnibus suis operibus, nihil attendat, nihil spectet, nil cupiat, nisi unicam solam nudam Dei voluntatem, lege, præcepto, consilio, consuetudine, rationis lumine, expressam, illico ad Internam voluntatem ab hac Externâ transit, illicò, inquam, admittitur ad voluntatem Dei intus in se degustandam

dam & non jam per externas legum imitationes
sed per ipsius Dei internas inspirationes cognoscendam, in modo experimento probandum. Sed hæc non contingit nisi, uti dixi, ei, qui insuevit nudè, sincere, solitariè soli divinæ voluntatis fibi quomodocumque expositæ obsequi: Nam si quid præterea aliud à divinâ voluntate diversum, quidquid illud sit, intendit, nullo modo gustum internæ divinæ voluntatis assequitur; nondum enim solam Dei nudamque voluntatem intueri didicit (quod omnino, & accurate notandum est; multis enim perfectis alioquin hominibus hæc res injicit remoram, repulsaque causa est, quominus intimius ad Deum ingredi possint.) Per intuitum autem nudum solius voluntatis divinæ nihil aliud intelligo, quam resolutionem illam arbitrii humani liberi, quam ablegatis, abdicatisque suis affectionibus, passionibus, propriis voluntatibus, operibus quæ præmanibus habet, etiam bonis & sanctis, modo à divinâ voluntate separatis, eligit, decernit, & statuit, exequiturque unam ac solam imperficiam Dei voluntatem; idque eo præterea modo, ut prædicta resolutio mentisque libera electio, non vi, coacte, violenter & impetuose, sed leniter, modeste, ex habitu, uno verbo, ex consuetudine quasi fiat. Violentia enim illa signum est rebellantis adhuc propriæ voluntatis, & animi passionibus suis desideriisque privatis nondum exuti, nondum dominantis. Quod tamen intelligo quoad partem animi superiorem, non quoad inferiorem. Nam ordinatis beneque edomitatis superioribus partibus, quidquid in inferiore fiat, non nocet, quia ratione domatur, & regitur.

Quod

Quod solatium est iis, quibus effrenatae passiones obtigere, & quibus perpetuum diabolicae tentationes bellum indicunt. hoc enim illos nihil impedit ab Internæ Voluntatis deliciis gustandis, modò illis difficile non sit abstrahere se ab omnibus creatis, & imprimis à seipsis: totos verò se ad unam solam Dei voluntatem ubique spectandam & exercendam convertere.

Jam verò ubi ad perfectum Internæ Voluntatis intuitum & gustum homo pervenerit, in tantoque gradu stare, & eò dignè se gerere didicerit, atque assuefecerit, continuo ad Essentiali voluntate fruendum admittitur. Sicut enim quandiu nubes & caligines aërem occupant, nec Sol radios evibrare, nec ipse Sol videri potest, pulsis autem nubibus, & detersâ caligine, fundunt se radii, & ipse conspicuus redditur; ita quamdiu humanus animus nubes & caligines propriarum voluntatum in se fovet, lux divina Solque justitiae in eo non potest elucescere, at pulsis nubibus affectum. quod per sinceram illam, & nudam divinæ voluntatis Externæ intentionem fieri diximus, illicò radii Solis in terram cordis nostri evibrantur, serenitasque enascitur: per radios autem, tanquam per indices, & duces ad conspectum Solis ipsius, Patris luminum, & radiorum fontis pervenitur: spectandumque se Sol ille divinus exhibet, non in radio & luce suâ, sed in semetipso.

Atque ex his elucescit tandem illud, quod erat initio Capitis hujus propositum: quidnam scilicet sit Voluntas Dei? & quomodo nobis ilucescat? Cæterum non sum nescius hæc obscuriora esse paulò: quin imò fateor ita obscura esse, ut ipsâ explicatione obscurentur: hæc enim non

Magi-

Magisterio aut lectione humanâ, sed disciplinâ di-
vinâ, & experimento proprio addisci amant, &
nata sunt: ad illud ergo tandem veniamus, ut di-
camus, quomodo Voluntas divina in rebus omni-
bus quæ agendæ occurrunt, cognosci possit?

C A P U T X I.

*Tria esse Actionum humanarum genera: in-
differentes actus in individuo non dari: de par-
te animi Superiore & Inferiore disputatur.*

53

AD ostendendum, quomodo cognosci possit,
quæ sit Voluntas Dei hîc & nunc, supponere
oportet; Omnia actionum nostrarum genera
tria esse: Aut enim imperatæ sunt à Deo, aut pro-
hibitæ ab eodem, aut nec imperatæ, nec prohi-
bitæ, sed arbitrio nostro relictæ, & quasi indiffe-
rentes, ita ut neque peccemus si agamus, neque
si non agamus. Actiones si imperatæ sunt, aut
prohibitæ à Deo, indubitatum habent Dei volun-
tatem; neque est in hoc immorandum; labor so-
lum in hoc est, ut sciamus quænam jubeat, quæ
prohibeat Deus. Per iussionem autem prohibi-
tionemque divinam, non intelligo solius Dei man-
data, & placita, per ipsummet lata, sed intelligo
omnia cuiuslibet Superioris scita, & decreta, qui
legitimam habent imperandi, nosque hîc & nunc
ad obtemperandum obligandi potestatem: siqui-
dem etiam hæ leges ab homine modo debito latæ,
ad tempus vel pro semper divinæ censendæ sunt,
cum non sit potestas nisi à Deo: atque ideo, sub
actionum imperatarum vel prohibitarum à Deo
nomine, complector Leges Regum, Rerum publ.
justas, Præcepta Ecclesiæ, Parentum, Superio-
rum: